

楊家駱主編

中國史料系編

鼎文書局印行

中國選舉史料

清代編

楊家駱主編

中國史料系編

鼎文書局印行

中國選舉史料清代編

清史稿選舉志 [民國] 清史館編

大清會典事例卷三百廿九至四百〇六 [清] 光緒二十五年奉敕修

中國的科名 [民國] 齊如山撰

詞林輯略十一卷韻編一卷 [民國] 朱汝珍輯

清代館選分韻彙編卷十二 [民國] 嚴懋功輯

中國書院制度 [民國] 盛朗西撰

中華民國六十六年十月一日初版

中國史料系編

中國選舉史料清代編

精裝一冊 基本定價 叁拾元整

主編者 楊家駱

出版者 鼎文書局

發行人 李文齋

發行所 鼎文書局

中華民國臺灣省臺北市金山街八十五—三號

郵政劃撥儲金第一八一六三號

局版臺業字第〇二六一號

中國選舉史料清代編識語

楊家駱

——古今圖書集成續編初稿選舉典識語——

今世一言選舉，國人必聯想及於投票，且美其事曰民主作風。而於考試制度，則以爲不過備文官之選擇而已。竊以爲自鄉舉里選一變而爲九品中正，再變而爲考試制度，使全民皆有經考試而參與政治之機會，以意美法善，故歷唐、宋、元、明、清千數百載採用而不衰，是中國未嘗一日不注意民主作風，特不同於歐美之形態耳。駱以爲尤要者在足以拴繫全國智識分子對中央之向心，使此制度成爲國家結構之主力，而遠非歐美民主形態所可及，惟國父能見及之，遂以考試爲五權之一。駱每擬撰專書言考試制度對國家結構之關係，久久未暇著手，今以撰作此識語先發其大意如此。「古今圖書集成」有「選舉典」，取材至明末止，今爲續編，意在補足有清一代之事，首收「清史稿、選舉志」，以概括一代之大略，次收光緒二十五年所修「大清會典事例」卷三百廿九至四百〇六，即關於貢舉、學校、風教者（「大清會典」正書已收錄於續編初稿「官常典」，故有關部分不重出）；上二書皆具官方性質，次錄齊如山先生「中國的科名」，以見民間之看法。次錄朱汝珍「詞林輯略」以見歷科所得之人才，又有嚴懋功「清代館選分韻彙編」，與朱書除一分科一按韻外餘並相同，惟彙編卷十二具統計意義，故於錄「詞林輯略」全書外，更取「彙編」之卷十二以輔之。上所收皆關於以考試爲選舉者。「集成」原書「官常典」有「國子監部」，「選舉典」有「學校部」，然所述皆不如「職方典」各部彙考下「學校考」爲詳，惟「學校考」僅著錄各地書院名稱及創立時期，於整個制度仍不能予人以清晰之印象，故本稿最後收盛朗西「中國書院制度」以彌此憾。編次既定，爰識其大意如此。

中華民國六十六年八月廿六日金陵楊家駱謹識

清史稿選舉志

期計算各監生肄業率以連開扣滿三年為期告假丁憂考劣記過則扣除月日告假依限到監或逾限而本籍有司官具牘者仍前後通算舊制祭酒司業總理監務雍正三年始設管理監事大臣乾隆二年孫嘉淦以刑部尚書管監事初嘉淦在世宗朝官司業奏言學校之教宜先經術請敕天下學臣選拔諸生貢太學九卿舉經明行修之士為助教一以經術造士三年考成舉以待用議未及行遷祭酒申前請世宗之先是太學生名為坐監肄業率假館散處過釋冀堂期季考月課暫一齊集監內舊有號房五百餘間修圯不時且資斧不給無以宿諸生嘉淦言各省拔貢雲集京師需住監者三百餘人六堂祇可誦讀不能棲止乞給監南官房令助教等官及肄業生居住歲給銀六千兩為講課餐飯衣服賙助之費允之是為南學至是請仿宋儒胡瑗經義治事分齋遺法明經者或治一經或兼他經務取御纂折中傳說諸書探其原本講明人倫日用之理治事者如歷代典禮賦役律令邊防水利天官河渠算法之類或專治一事或兼治數事務窮究其源流利弊考試時必以經術湛深通達事理

清史稿

選舉三

三

驗稽古愛民之誠三年期滿分別等第以示勸懲從之令諸生有心得或疑義逐條制記呈助教批判按期呈堂季考月課改四書題一五經講義題各一治事策問一時高宗加意太學嘉淦嚴立課程獎誘備至六堂講師極一時之選舉人吳鼎梁錫瑛皆以薦舉經學授司業進士莊亨陽舉人潘永季蔡德峻秦憲田吳鼎賈生官獻瑞王文震監生夏宗瀾皆以潛心經學先後被薦為本監屬官分長六堂各占一經時有四賢五君子之稱師徒濟濟皆奮自礪砥研求實學而祭酒趙國麟又以經義治事外應講習時藝請頒六堂欽定四書文寶誦習並報可清代臨雍視學典禮恭奉順治九年世祖首視學先期行取衍聖公五經博士率孔氏既先賢各氏族裔赴京觀禮帝釋奠畢詣彝倫堂御講經祭酒講四書司業講經宣制勉太學諸生越日賜衍聖公冠服國子監官實寶有差各氏後裔送監讀書嗣是歷代舉行以為常乾隆四十八年諭曰稽古國學之制天子曰辟雍所以行禮樂宣德化昭文明而流教澤典至鉅也國學為人文薈萃之地規制宜隆辟雍之立元明以來典尚闕如應增建以臻美備命

尚書德保尚書兼管國子監事劉塘侍郎德成仿禮經舊制於彝倫堂南營建明年落成又明年高宗駕辟臨雍行講學禮命大學士伯伍彌泰大學士管監事蔡新進講四書祭酒覺羅吉善鄒奕孝進講周易頒御論二篇宣示義蘊王公衍聖公大學士以下官既肄業觀禮諸生三千八十八人圍橋聽講禮成賜燕禮部恩賓有加是時天子右文羣臣躬遇休明翊贊文化彬彬稱盛嘉嘉慶以後視學典禮率循不廢咸豐初猶一舉行焉道光末詔整飭南學住學者百餘人監規頹廢已久迄難振作咸豐軍興歲費折發章程亦屢屢更治初元以國學專課文藝無裨實學令兼課論策用經史性理諸書命題獎勵留心時務者明年增發歲貢三千兩九年通復舊額選文行優者四十人住南學學給廩餼文風稍稍興起光緒二年增二十名十一年許各省舉人入監曰舉監其後無論舉人貢監生凡非正印官未投供舉貢未傳到教習均得入監以廣裁成貢監生諸色目多沿明制歲貢取府州縣學食廩年深者挨次升貢順治二年命直省歲貢士京師府學歲一人州學三歲二人縣學二歲一人一正二陪

清史稿

選舉三

四

學政嚴加僕選濫充發回原學五名以上學政罰俸十五年令到部時詳查年力強壯者乃許送監康熙元年減貢額府三歲二人州二歲一人縣三歲一人八年復照順治二年例二十六年罷歲貢廷試其後但由學政挨序考准咨部選授本省訓導得缺後巡撫一加考驗願入監者登辭突恩貢因明制國家有慶典或登極詔書以當貢者充之順治元年詔直省府州縣學以本年正貢作恩貢次貢作歲貢歷代恩詔皆如之九年五氏子孫觀禮生員十五人送監讀書准作恩貢乾隆後恩賜臨雍親禮事後裔廣增附生入監以為常至康乾間天子東巡親詣闕里拔取五氏十三氏子孫生員貢成均則加恩聖裔非恒制也拔貢因明選貢遺制順治元年舉行順天六人直省府學二人州縣學各一人康熙十年令學臣於考取一二等生員內遴選文行兼優者貢太學從祭酒查祿請也明年始選拔八旗生員滿洲蒙古二人漢軍一人時各省選貢多冒濫三十七八年間祭酒特默德係岳領面試山西選拔張漢卿等六名陝西呂爾恒等四名廣東陳其璵等三名均文理不堪字畫外謬原卷駁回學臣參

處遂停選拔雍正元年禮部尚書陳元龍疏請嚴成均肄業之規部議太學監生皆由捐納能文之士稀少應令學臣照舊例選拔送監從之五年世宗以歲貢較食廩淺深多年力衰憊之人欲得英才必須選拔命嗣後六年選拔一次明年又諭學政選拔不拘一二等生員酌試時務策論果有識見才幹再訪平日品行即未列優等亦許選拔故雍乾間充貢國學以選拔為最盛乾隆初定朝考制列一二等者揀選引見錄用三等簡監肄業尋停揀選例三年期滿祭酒等分別等第覈實保薦用知縣教職七年帝以拔貢六年一舉人多缺少妨舉人銓選之路且生員優者應科舉時自可脫穎而出而不專藉選拔為進身改十二年一舉遂為永制十六年以天下教官多昏望濫學懋棧雖定例六年甄別長官每以開曹多方寬假諱詳加澄汰廷臣議督撫三年澄汰教職員缺以朝考揀選拔貢充補未入揀選者簡監肄業如舊四十一年定朝考優等兼用七品小京官五十五年朝考始用覆試學政選拔分二場試四書文經文策論乾隆十七年經文改經解二十三年增五言八韻詩會同督撫覆試朝考試書

子科始廷試優生仿順天鄉試例分南北中卷八旗奉天直隸山東山西河南陝甘為北卷江蘇江西浙江安徽福建湖北湖南為南卷四川廣東廣西雲南貴州為中卷考列一二等用知縣教職三等用復設訓導恩拔副歲優時稱五貢科目之外由此者謂之正途所以別於雜流也恩監由八旗漢文官學生算學滿漢肄業生考取又臨雍觀禮聖賢後裔由武生奉祀生俊秀入監者皆為恩監例貢由例監相仿由庫增附生或俊秀監生援例報捐貢生者曰例貢由俊秀報捐貢生者曰例監凡捐納入官必由之或在監肄業或在籍均為監生恩廩凡滿漢子弟奉敕送監讀書恩詔分別內外文武品級廩子入監順治二年定文官京四品外三品以上武官二品以上俱送一子入監十一年登羅廩生照各官廩生例一體送監包衣佐領下官子弟向例不得為監廩康熙九年例除宗室給廩入監自康熙五十二年始也難廩始順治四年以殉難陝西固原道副使呂鳴夏子入監讀書九年定內外滿漢三品以上官三年任滿勤事以死者廩一子入監後廣其例凡三司首領州縣佐貳官死難者亦得廩子矣

外國肄業生康熙二十七年琉球國王始遣陪臣子弟梁成楫等隨貢使至入監肄業雍正六年鄂羅斯遣官生魯喀等留學中國以滿漢助教等教之月給銀米器物學成遣歸先後給釋至同治間琉球官生猶有至者他如順治二年於隨遷入關奉天十五學取三十人入監為天下勸十一年定隨征廩生准作貢監生員有軍功二等准作生監更有軍功二等准作貢生謂之功貢未幾例停則開國時權宜之制也考送校錄始於乾隆三年令國子監選正途貢生年力少壯字畫端楷者十人送武英殿磨曆錄年滿議敘三十四年例停歸吏部磨錄貢生內選取嗣以吏部無合例者仍由在監拔副優貢生考選嘉慶間增十名後不復行五貢就職學政會同巡撫驗看咨部依科分名次年分先後恩拔副貢以復設教諭歲貢以訓導選用康熙中捐納歲貢並用訓導雍正初捐納貢生教諭改縣丞訓導改主簿既仍許廩生指歲貢者用訓導恩拔副貢年力富強者得就職直隸州州判嘉慶以後凡朝考未錄之拔貢及恩副歲優貢生遇鄉試年得具呈就職就教優貢就教附歲貢末用訓導道光初許滿蒙正

遂貢生就職與漢員通較年分先後選用貢監考職定例必監期已滿乃許送
考惟特恩考職不論監期滿否凡正途指納各項貢監生及候補監生教習校
錄一體送考其已就職及指職襲世職者不許初制考職歲一舉貢監一
例以州同州判縣丞主簿吏目錄用乾隆元年定考職以鄉試年恩科不考恩
拔貢考列一等以州同等以州判三等以縣丞選用貢貢一等以主簿二
等以吏目選用貢貢就教者聽捐納貢監考取如歲貢例五十六年停考職嘉慶
五年僅一行之光緒三十一年直隸總督袁世凱奏停科舉摺寬籌學貢生
員出路一條請十年三科內優貢加額錄取已酉選拔如舊朝考用京官知縣
儒學政三科內考選學貢通算學地理財政兵事交涉鐵路礦務警察外國
政法之一者三年一次保送若干名略視會試中額兩三倍赴京試取者用主
事申書知縣諮議行明年政務處詳議已酉拔貢向額倍取本年丙午考優
以後三年一考視例額加四倍廣生出貢許倍額部院考用膳錄分舉人五貢
生員三等二年期滿獎叙舉人優拔擇尤改用七品小京官又為廣就職之例

清史稿

選舉志一

七

五貢一體以直隸州州判按察鹽運經歷散州州判經歷縣丞分別計選或分
發試用蓋五貢終清之世未嘗廢棄也算學隸國子監稱國子監算學乾隆四
年額設學生滿漢各十二蒙古漢軍各六續設漢肄業生二十四遵御製數理
精蘊分線面體三部部限一年通曉七政限二年有季考歲考五年期滿考取
者滿蒙漢軍學生各部以本旗天文生序補漢學生舉人用博士貢監生童用
天文生此外隸國學者為八旗官學順治元年若琳奏臣監僻在城東北隅滿
員子弟就學不便議於滿州八固山地方各立書院以國學二廳六堂教官分
教之以時赴監考課下部議行於是八旗各建學舍每佐領下取官學生一名
以十名習漢書餘習滿書二年從所題言合兩旗為一學每學教習十人教習
酌取京省生員其後學額屢有增減教習於國學肄業生考選正用恩拔副歲
貢生如無其人准例監生亦得考取舉人願就一例考選雍正元年於八旗蒙
古護軍統領驍騎內選熟練國語蒙古語者十六人充蒙古教習向例官學生
分佐領選送五年定每旗額設百名滿洲六十習清漢書各半蒙古漢軍各二

十通一旗選擇不拘佐領年幼者習清書稍長者習漢文撥八旗教養兵額滿
洲三十蒙古漢軍各十名錢糧分給學生定漢教習每旗五人乾隆初定官學
生肄業以十年為率三年內講誦經書監臣考驗擇材質聰穎有志力學者歸
漢文班年長願學編譯者歸滿文班三年欽派大臣考取漢文明通者拔為監
生升太學與漢貢監究心明經治事期滿擇尤保薦考選錄用八年定漢教習
三年期滿分等引見一等用知縣二等用知縣或教職銓選一等再教習三年
果實心訓課者知縣即用蒙古教習五年期滿實心訓課者用護軍校驍騎校
滿助教每旗二人以八旗文進士舉人編譯進士舉人恩拔副歲貢生文生員
編譯生員廣員筆帖式考取三十三年下五旗包衣每旗增設學生十名滿洲
六蒙古漢軍各二不給錢糧五十四年於每旗百名內裁十名選取經書熟文
理優者二十人加給膏火資鼓勵嘉道以後官學積漸廢弛八旗子弟僅恃此
進身教習停年期滿例予錄用月課虛應故事雖明諭屢督責迄難振刷光緒
初力籌整頓每學以滿漢科甲官一人為管學官專司考覈學生課程教習勤

清史稿

選舉志二

八

簡簡派滿漢進士出身大員為二人管理八旗官學大臣每學添設翰林編檢
一員月課季考分司考核春秋赴監會考如舊同光間國學及官學造就科舉
之才亦頗稱盛然固於帖括咕嚕制變通三十一年監臣奏於南學添設科
學未幾裁國子監併設學部文廟祀典設國子承一人掌之八旗官學改併學
堂算學亦改稱欽天監天文算學錄欽天監而太學遂與科目相終始云
宗學肇自虞廷命夔典樂教胄子三代無宗學名而義已備唐宋後有其名而
制弗詳清順治十年八旗各設宗學選滿洲生員為師凡未封宗室子弟十歲
以上俱入學習清書雍正二年定制左右兩翼設滿漢學習一王公將軍及閒
散宗室子弟十八歲以下入學分習清漢書兼騎射以王公一人總其事設總
副管以宗室分尊齒長者充之清書教習二人選罷開旗員及進士舉人貢生
生員善編譯者充之騎射教習二人選罷開旗員及護軍校善射者充之每學
生十人設漢書教習一人禮部考取舉貢充之三年期滿分別等第錄用十一
年兩學各以翰林官二人董率課程分日講授經義文法乾隆初以滿漢京堂

各一人總稽學課月試經義繙譯及射藝九年定每屆五年簡大臣合試兩翼學生欽定名次以會試中式註冊俟會試年習繙譯者與八旗繙譯貢生嗣引見賜進上用府屬額外主事習漢文者與天下貢士同殿試賜進士甲第用翰林部副等官十年考試漢文繙譯無佳作諭曰我朝崇尚本務宗室子弟俱講究清文精通騎射誠恐學習漢文流於漢人浮靡之習世祖諭停習漢書所以敦本實黜浮華也嗣後宗室子弟不能習漢文者其各嫻習武藝儲爲國家有用之器明年定學額左翼七十右翼六十二十一年裁漢教習九人改繙譯教習增騎射教習翼各一人嘉慶初畫一兩翼學額增右翼十名定每學教習滿三人漢四人十三年兩翼各增學額三十足百名爲永制覺羅學雍正七年詔八旗於衙署旁設滿漢學各一覺羅子弟八歲至十八歲入學讀書習射規制略同宗學總管王公春秋考驗三年欽派大臣會同宗人府考試分別獎懲學成與族人同應歲科試及鄉會試並考用中書筆帖式學額鑲黃旗六十一正黃旗三十六正白旗正紅旗各四十鑲黃旗十五鑲紅旗六十四正藍旗三十

清史稿

選舉志一

九

九鑲藍旗四十五滿漢教習旗各二人惟鑲白旗各一景山官學康熙二十四年令於北上門兩旁官房設官學選內府三旗佐領管領下幼童三百六十名清書三房各設教習三人漢書三房各設教習四人初滿教習用內府官老成者漢教習禮部考取生員文理優通者尋改選內閣善書射之中書充滿教習新進士老成者充漢教習雍正後漢教習以舉人貢生考取三年期滿各部叙用學生肄業三年考列一等用筆帖式二等用庫使庫守乾隆四十四年許同字佐領下選補學生四名嘉慶間定額鑲黃旗正白旗均百二十四正黃旗百四十回章四歲安官官學雍正六年詔選內府三旗佐領管領下幼童及八旗俊秀者九十名以翰林官居住咸安宮教之漢書十二房清書三房各設教習一人教射教國語各三人如景山官學考取例五年欽派大臣考試一二等用七八品筆帖式漢教習三年清語騎射教習五年分別議叙乾隆初定漢教習選取新進士不足於明通榜舉人考充期滿進士用主事知縣舉人用知縣教職二十三年以後不論年分許學生考繙譯中書筆帖式庫使定教習漢九人

滿六人宗學覺羅學隸宗人府景山學咸安宮學隸內務府諸學總管教習等類多通才輕賤徒庸甚者憂舍空虛期滿時例報成就學生若干名而已光緒二十八年翰林院侍讀寶熙奏請援同文館歸併大學堂例將宗室覺羅八旗等官學改併中小學堂均歸管學大臣辦理從之他如世職官學八旗及禮部義學健銳營外火器營圓明園護軍營等學皆清代特設習滿蒙語言文字各府州縣儒學明制具備清因之世祖勘定天下命賑助貧生優免在學生員官給廩餼順治七年改南京國子監爲江南府學尋頒臥碑文刊石立直省學宮諭禮部曰帝王敦治文教爲先臣子致君經術爲本自明末擾亂日尋干戈學問之道闕焉未講今天下漸定朕將興文教崇經術以開太平爾部傳諭直省學臣訓督士子凡理學道德經濟典故諸書務研求海貢明體則爲真儒達用則爲良吏果有實學朕必不次簡拔重加任用初各省設督學道以各部郎中進士出身者充之惟順天江浙江浙爲提督學政用翰林官宣大蘇松江安淮揚肇高先皆分設既乃裁併上下江湖南湖北則裁併後仍分設雍正中一體裁撤學院省設一人奉天以府丞臺灣以臺灣道兼之甘肅自分開後始設學

清史稿

選舉志一

十

政各學教官府設教授州設學正縣設教諭各一皆設訓導佐之員額時有裁併生員色目曰廩膳生增廣生附生初入學曰附學生員廩增有定額以歲科兩試等第高者補充生員額初視人文多寡分大中小學大學四十名中學三十名小學二十名嗣改府視大學大州縣視中學減半小學四名或五名康熙九年大府州縣仍舊額更定中學十二名小學七名或八名後屢有增廣滿洲蒙古漢軍子弟初歸順天考試取進滿洲漢軍各百二十名蒙古六十名康熙中減定滿蒙四十名漢軍二十名旋復增爲滿蒙六十漢軍三十學政三年任滿歲科兩試順治十五年停直省科試康熙十二年復之儒童入學考試初用四書文孝經論各一孝經題少又以性理太極圖語通書西銘正蒙命題嗣定正試四書文二覆試四書文小學論各一雍正初科試加經文冬月暑短書一經一尋定科試四書經文外增策論題仍用孝經乾隆初覆試兼用小學論中葉以後試書藝經藝各一增五言六韻詩聖祖先後頒聖諭廣訓及訓飭士子

文於直省儒學雍正間學士張照奏令儒童縣府覆試背錄聖諭廣訓一條者爲令凡新進生員如國子監坐監例令在學肄業以次期新生入學爲滿教官考校之法有月課季考四書文外兼試策論翌日講大清律刑名錢穀要者若干條月集諸生明倫堂誦訓飭士子文及臥碑諸條諸生環聽除丁憂患病游學有事故外不應月課三次者戒飭無故終年不應者黜革試卷申送學政查覆訖於嘉慶月課漸不舉行御史辛從益以爲言詔令整頓嗣是教官多聞耳不稱職有師生之名無訓誨之實矣學政考覈教官按其文行及訓士勤惰隨時薦黜康熙中令撫臣考試副教職部選後赴撫院試四等以上給憑赴任五等學習三年再試六等視職雍正初定四五等俱解任學習六年考成俸滿盡心訓導士無過犯者督撫學政保題擢用知縣學臣接臨謁先師升明倫堂官生以大掛見生員聖訓講書各講大清律三條西嚮立講畢東嚮立俟行賞罰考試生員舊例歲科試俱四書文二經文一自有給燭之禁例不出題雍正元年科試增經文冬月一書一經六年更定歲試兩書一經冬月一書一經科

清史稿

選舉志一

十一

試書一經一策一冬月減經文乾隆二十三年改歲試書一經一科試書一策一詩一冬月亦如之欠考勒限補行三次黜革後寬其例五次以上乃黜駐防考試清初定制各省駐防弁兵子弟能讀書者詣京應試乾隆時參領金珩請許歲科試將軍先試騎射就近送府院取進殿官切責嘉慶四年湖南布政使通恩奏如金珩言詔議行應試童生五六名取進一名佐領約束之訓習清語騎射府學課文藝明年諭曰我滿洲根本騎射爲先若八旗子弟專以讀書應試爲能輕視弓馬怠荒武備殊失國家設立駐防之意嗣後各省駐防官弁子弟不得因有就近考試之例遂荒本業漢軍設壇增自順治九年始康熙十年滿蒙亦設壇增初制各二十名嗣減漢軍十名雍正間定額滿蒙六十漢軍三十直省廩增額府四十州三十縣二十衛十其新設者府學視州學州學視縣學其一學分兩學則均分其額或差分之六等黜陟法視明爲繁密考列一等增附青社俱補廩無缺附青社補增無缺青社復附各候廩原增停降者收復二等增補廩附青社補增無缺青社復附停廩增降者復廩增降附

者復增不許補廩三等停廩者收復候廩丁憂起復病痊考復緣事辦復增降附者許收復青衣發社者復附廩降增者不許復四等廩免責停廩不作缺限讀書六月送考停降者不許限考增附青社俱扣實五等廩停作缺原停廩者降增增降附附降青衣青衣發社原發社者黜爲民六等廩膳十年以上發社六年以上與增十年以上者發本處充吏餘黜爲民入學未及六年者發社科試一二等送鄉試補廩增如歲試大率祇列三等八旗生員給錢糧考列四等以下停給大屆列一二三等給還優等補廩增劣等降青社如漢生員八旗故重騎射往往不苛求文藝但置後等凡優值諸生例免差徭廩生貧生給學租養贍違犯禁令小者府州縣行教官責懲大者申學政黜革後治罪地方官不得擅責學政校文外實黜優劣以爲勸懲如教官徇庇劣生不揭報或輕揭報學政不嚴加懲處分別罰俸鍰級職職其大較也光緒末科舉廢丙午並停歲科試天下生員無所託業迺議廣用途許考各部院謄錄並於考優年令州縣官教官會保申送督撫學政考取文理暢達事理明晰者大省百名中省七

清史稿

選舉志一

十二

十名小省五十名各部以巡檢典史分別計選或分發試用各省學政改司考校學堂未幾學政裁教官停選在職者凡生員考職孝廉方正各事屬之俸滿用知縣或以直州同鹽庫大使用儒學雖不廢名存實亡非一日矣武生帶儒學通稱武生順治初京衛武生童考試錄兵部康熙三年改錄學院直省府州縣衛武生儒學教官兼轄之騎射外教以五經七書百將傳及孝經四書學政三年一考順天舊設武學自八旗設儒學教官兼轄滿洲蒙古漢軍武生裁武學官大宛兩縣武生順天教官轄之學額如文生童例分大中小學自二十名遞減至七八名考試分內外場先外場騎射次內場策論歲試列一二等准作科舉故武生有歲試無科試各省書院之設輔學校所不及初於省會設之世祖頒給銓金風勵天下厥後府州縣次第建立延聘經明行修之士爲之長秀異多出其中高宗明詔獎勵比於古者侯國之學儒學浸衰教官不舉其職所賴以造士者獨在書院其裨益育才非淺渺也又有義學社學社學鄉置一區擇文行優者充社師免其差徭量給廩餼凡近鄉子弟十二歲以上令入學義

學初由京師五城各立一所後各省府州縣多設立教孤寒生童或苗蠻蠻獠子弟秀異者規制備略可無述也

清史稿

清史稿

三

選舉二

學校下

學校新制之沿革略分二期同治初迄光緒辛丑以前爲無系統教育時期辛丑以後迄宣統末爲有系統教育時期自五口通商英法聯軍入京後朝廷鑒於外交挫衄非製學不足以圖強先是交涉重任率假手無識牟利之通事往往以小嫌釀大釁至是始悟通事之不可恃又震於列強之船堅礮利急須養成編譯與製造船械及海陸軍之人才故其時首先設置之學校曰京師同文館曰上海廣方言館曰福建船政學堂及南北洋水師武備等學堂京師同文館之設從總理各國事務衙門之請始於同治元年初止教授各國語言文字六年議於同文館內添設算學館時京僚嘗於時務謗議繁興原疏排斥衆議言之剴切謂西人製器之法無不由度數而生中國欲講求製造輪船機器諸器不藉西士爲先導師心自用無裨實際疆臣如左宗棠李鴻章等皆深明

清史稿

選舉志

一

其理堅持其說詳於奏牘且西人之術聖祖深惡之矣當時列在臺官垂爲時憲本朝掌故不宜數典而忘若以師法西人爲恥其說尤謬中國狃於因循不圖振作恥孰甚焉今不以不如人爲恥獨以學其人爲恥將安於不如而終不學遂可雪恥乎學期適用事貴因時物議雖多權衡宜定原議招取滿漢學人恩拔副歲優貢生並由此出身之正途人員又擬推廣凡翰林院庶吉士編修檢討與五品以下進士出身之京外各官年在三十歲以內者均可送考三年考列高等者按升階優保班次以示鼓勵詔從其議上海廣方言館創設於同治二年江蘇巡撫李鴻章言京師同文館之設實爲良法惟洋人總辦地以上海廣東兩口爲最擬仿照同文館例於上海添設外國語言文字學館選近都年十四歲以下資稟穎悟根器端靜之文童聘西人教習並聘內地品學兼優之舉貢生員課以經史文藝學成送本省督撫考驗作爲該縣附學生其候補佐雜等官年少聰慧者許入館一體學習學成酌給升途三五年後有此一種讀書明理之人精通番語凡通商督撫衙署及海關監督應設翻譯官承辦洋

清史稿

選舉志

二

務者卽於館中遴選派充庶關稅軍需可期核實無賴通事亦稍斂迹且能盡閱西人未譯專書探賾索隱一切輪船火器等巧技由漸通曉於自強之道不無裨助帝諭廣州將軍查照辦理福建船廠同治五年左宗棠督閩時奏設並設隨廠學堂分前後二堂前堂習法文練習造船之術後堂習英文練習駕駛之術課程除造船駕駛應習常課外兼習策論令讀聖諭廣訓孝經以明義理首總辦政者爲沈葆楨規畫閩遠尤重視學堂十二年奏陳船工善後事宜請選派前後堂生分赴英法學習製造駕駛之方及推陳出新練兵制勝之理學生有天才傑出能習礦學化學及交涉公法等事均可隨宜肄業尋葆楨任南洋大臣光緒二年奏派華洋監督訂定章程船政學堂成就之人材實爲中國海軍人材之嚆矢學堂設於馬尾故清季海軍將領亦以閩人爲最多天津水師學堂光緒八年北洋大臣李鴻章奏設明年招取學生入堂肄業分駕駛管輪兩科教授用英文兼習操法及讀經國文等科優者遣派出洋留學以資深造厥後海軍諸將帥由此畢業者甚夥鴻章又於光緒十一年奏設天津武備學堂規制略仿西國陸軍學堂挑選營中精健聰穎略通文義之弁目入堂肄業文員願習武者一併錄取其課程一面研究西洋行軍新法如後膛各種鎗礮土木營壘及布陣分合攻守各術一面赴營實習演試鎗礮陣勢及造築壘壘惟學生係挑選弁目雖聘用德國教員不能直接聽講仍用繙譯展轉教授與水師學堂注重外國文者不同初制學習一年後考試及格學生發回各營由統領量材授事其後逐漸延長年限選募良家子弟肄業迨庚子之變學堂適當戰區全校淪爲灰燼矣此外廣東水陸師學堂則粵督張之洞於光緒十三年奏設之洞調任鄂督二十一年又奏設湖北武備學堂其辦法課程水師分管輪礮兩項陸師分馬步鎗礮營造等項大略參照北洋成法泊海軍成立新軍改建此類學堂南洋及各省增設日盛不具述至湖北自強學堂亦之洞創設初分方言格致算學商務四門惟方言一齋住堂肄業餘三齋按月考課其後算學改歸兩湖書院教授格致商務停課本堂專課方言以爲西學梯階方言分英法德俄四門亦類似同文館之學堂也光緒丙申丁酉間

各省學堂未能普設中外臣工多以變通整頓書院為請詔飭裁改禮部議准章程併課天算格致等學陝西等省創設格致實學書院以補學堂之不逮焉大抵此期設學之宗旨專注重實用蓋其動機緣於對外故外國語及海陸軍得此期教育之主要無學制系統之足言惟南洋公學雖亦承襲此期教育之宗旨而學制分為三等已寓普通學校及預備教育之意旨先是光緒二十一年津海關道盛宣懷於天津創設頭二等學堂頭等學堂課程四年第一年習英文算術一門者得察學生資質酌定專門凡五一工程學二電學三機務學四機器學五律例學二等學堂課程四年按班次遞升習滿升入頭等意謂二等學堂外國小學頭等擬外國大學因初設探通融求速辦法教員既苦之才學生亦難精擇無甚成效二十三年宣懷又於上海創設南洋公學如津學制而損益之經費取給招商電報兩局捐助奏明辦理因名公學分四院曰師範院曰外院曰中院曰上院外院即附屬小學為師範生練習之所中上院即二等頭等學堂寓中學堂高等學堂之意課程大體分中文英文兩部而注重法政

清史稿

選舉志一

三

經濟上院畢業生擇尤異者咨送出洋就學於各國大學意謂內國大學猝難設置以公學為預備學校而以外國大學為最高學府論者謂中國教育有系統之組織此其見端焉後改歸郵傳部管轄定名高等實業學堂其課程性質非復設立之初旨此第一期無系統教育之大略也自甲午一役喪師辱國列強羣起攘奪權利國勢岌岌朝野志士恍然於舊有變法之不得其本侍郎李端棻主事庫有為等均條議推廣學堂光緒二十四年德宗諭曰邇者詔書數下開特科改武科制度立大小學堂惟風氣尚未大開論說莫衷一是國是不定則號令不行特明白宣示中外自王公至士庶各宜努力發憤以聖賢義理之學植其根本博探西學切於時務者實力講求以救空疏迂謬之弊京師大學為各省倡應首先舉辦凡翰林編檢部院司員各門侍衛候補候選道府州縣以下各官大員子弟八旗世職各省武職後裔均准入學肄業以期人材輩出共濟時艱下軍機大臣總理各國事務王大臣妥議奏聞尋議覆籌辦京師大學堂擬定章程要端凡四一寬籌經費二宏建學舍三慎選管學大臣四

簡派總教習詔如所擬命孫家鼐管理大學堂事務經費由戶部籌撥五月又諭各省督撫將各省府廳州縣大小書院一律改為兼習中西學之學校其階級以省會之大書院為高等學郡城之書院為中學州縣之書院為小學頒給京師大學章程令仿照辦理各書院經費儘數提作學堂經費紳民如能捐建學堂或廣為勸募准奏請給獎有獨立措措鉅款者予以破格之賞民間祠廟不在祀典者一律改為學堂以節糜費而隆教育是時管學大臣之權限不專管理京師大學堂並節制各省所設之學堂實以大學校長兼全國教育部長之職權又以同文館及北洋學堂多以西人為總教習於中學不免偏枯且外國文不止一國學科各有專門非一西人所能勝任必擇學貫中西能見其大之中國學者為總教習破格錄用有選派分教習之權蓋以管學大臣必大學士或尚書充任而總教習則不拘資格可延攬新進之人才也學生分兩班已治普通學卒業考為頭班現治普通學者為二班猶是南洋公學之舊法課程分普通專門兩類普通學學生必須通習專門學人各占一門或二門普通

清史稿

選舉志一

四

學科目為經學理學掌故學諸子學初級算學初級格致學初級政治學初級地理學文學體操學語言文字學專門學科目為高等算學高等格致學高等政治學法律學之高等地理學測繪學之農學礦學工程學商學兵學衛生學醫學屬之考驗學生用積分法學生月給膏火銀兩有差上海設編譯局各學科除外國文外均讀編譯課本籌辦大學章程之概要如此未幾八月政變頑固黨把持朝局卒釀成庚子之禍速二十七年學校漸有復興之議其首倡者則山東巡撫袁世凱也初世凱奏陳東省開辦大學章程有旨飭下各省仿辦令政務處會同禮部妥議選舉鼓勵章程尋議言東西各國學堂皆係小學中學大學以次遞升畢業後始予出身擬請按照辦理小學畢業生考試合格選入中學堂畢業考試合格再選入大學堂畢業考試合格發給憑照督撫學政按其功課嚴密局試優者分別等第咨送京師大學堂覆試作為舉人貢生其貢生留下屆應考願應鄉試者聽舉人積有成數由京師大學堂嚴加考試優者分別等第咨送禮部簡派大臣考試候旨欽定作為進士一體殿試酌加

擢用優子官階查世凱辦法以通省學堂一時未能備舉先於省城建立學堂分齋督課其備齋正齋即隱寓小學中學之規制既經諭令各省仿辦應酌照將來選舉章程用資鼓勵報可所議混合科舉學制爲一事謂之學堂選舉鼓勵章程各省多未及實行而罷辛丑帝后回鑾以創痛鉅深力求改革十二月諭曰興學育才實爲當今急務京師首善之區尤宜加意作育以樹風聲前建大學應切實舉辦派張百熙爲管學大臣責成經理務期端正趨嚮造就通才其裁定章程妥議具奏旋諭將同文館併入大學堂毋庸隸外務部二十八年正月百熙奏籌辦大學堂情形豫定辦法一條言各國學制幼童於蒙學卒業後入小學三年卒業升中學又三年升高學又三年升大學以中國準之小學即縣學堂中學即府學堂高等學堂即省學堂目前無應入大學肄業之學生通融辦法惟有暫時不設專門先設立一高等學爲大學預備科分政藝二科以經史政治法律通商理財等事隸政科以聲光電化醫工醫算等事隸藝科查京外學堂辦有成效者以湖北自強學堂上海南洋公學爲最此外如京師

清史稿

選舉志

五

同文館上海廣方言館廣東時敏浙江求是等學堂開辦皆在數年以上不乏合格之才更由各省督撫學政考取府州縣高材生咨送來京覆試如格入堂肄業三年卒業及格者升大學正科不及格者分別留學撤退大學豫科與各省省學堂卒業生程度相同由管學大臣考驗合格請旨賞給舉人正科卒業考驗合格請旨賞給進士惟國家需材孔亟欲收急效而少棄才則有速成教員一法於預備科外設速成科分二門曰仕學館曰師範館凡京員五品以下八品以上外官道員以下教職以上皆許考入仕學館舉貢生監皆許考入師範館仕學三年卒業擇尤保獎師範三年卒業擇優異者帶領引見生准作貢生貢生准作舉人舉人准作進士分別給予准作小學中學教員文憑蓋豫科生必取年歲最富學術稍精者再加練習儲爲真正合格之才速成生則取更事較多立志猛進者取其聽從速化之效至增建校舍附設譯局廣購書籍儀器尤以寬籌經費爲根原經費分兩項一華俄道勝銀行存款之息全數撥歸大學堂一請飭各省籌助經費每年大省二萬金中省一萬金小省五千金

常年撥解京師從之七月百熙遵擬學堂章程疏言古今中外學術不同其所以致用則一歐美日本諸邦現行制度頗與中國古昔盛時良法相同禮記載家有塾黨有庠州有序國有學比之各國則國學即大學家塾黨庠州序即蒙學小學中學等級蓋甚分明周以前選舉學校合而爲一漢以後專重選舉及隋設進士科以來士皆殫精神於詩賦策論所謂學校名存而已今日而議振興教育必以真能復學校之舊爲第一要圖雖中外政教風氣原本不同然其條目秩序之至隨而不可亂不必盡泥其迹不能不兼取其長謹上溯古制參考列邦擬定京師大學暨各省高等學堂小學蒙學章程候欽定頒行各省核實興辦凡名是實非之學堂及庸濫充數之教習一律從嚴整頓詔下各省督撫按照規條實力奉行是爲欽定學堂章程教育之有系統自此始京師大學堂分大學院大學專門分科大學預備科附設者仕學師範兩館大學院主研究不講授不立課程專門分科凡七曰政治科曰文學科曰格致科曰農業科曰工藝科曰商務科曰醫術科政治科分目二政治法律文學科分目七經

清史稿

選舉志

六

學史學理學諸子掌故詞章外國語言文字格致科分目六天文地質高等算學化學物理動植物農藥科分目四農藝農化學林學獸醫工藝科分目八土木機器造船造兵器電氣建築應用化學探礦冶金商務科分目六簿記產業製造商業語言商法商業史商業地理醫術科分目二醫學藥學豫備科分政藝兩科政科課目倫理經學諸子詞章算學中外史中外輿地外國文物理名學法學理財體操藝科課目倫理中外史外國文算學物理化學動植物地質及礦產圖書體操爲入專理某科便利計得增減若干科目各三年卒業仕學館課目算學博物物理外國文輿地史學掌故理財交涉法律政治師範館課目倫理經學教育習字作文算學中外史中外輿地博物物理化學外國文圖書體操各省高等學堂爲中學卒業之升途又爲入分科大學之豫備分政藝兩科課程與大學豫科同三年卒業高等學外得附設農工商醫高等實業學堂亦中學卒業生升入教授用專科教員制各任一門中學堂爲高等小學卒業之升途即爲入高等學之豫備課目修身讀經算學詞章中外史中外輿

地外國文圖畫博物物理化學體操四年卒業中學外得設中等農工商實業學堂高小畢業生不願治普通學者入之又附設師範學堂課目視中學惟酌減外國文加教育學教授法得合兩班或三班以兩三教員各任數科目分教之小學堂分高等尋常二級兒童自六歲起受蒙學四年十歲入尋常小學修業三年此七年定為義務教育十三歲入高等小學三年卒業得附設簡易農工商實業學堂尋常小學卒業者入之尋常小學課目修身讀經作文習字史學輿地算術體操高等小學課目增讀古文辭理科圖書餘同尋常小學教授採用級任制正教習外得置副教習蒙學堂屬義務教育府廳州縣城鎮鄉集均應設立凡義塾或家塾應照蒙學課程核實改辦課目同尋常小學惟作文易以字課蒙學宗旨在於改良私塾故章程規定頗注重教授法之改善於兒童身心之體察三致意焉至學生出身獎勵小學卒業獎給附生中學卒業獎給貢生高等學卒業獎給舉人大學分科卒業獎給進士各省師範卒業照大學師範館例給獎其大較也欽定章程雖未臻完備然已有系統之組織頒布

清史稿 通志七

未及二年旋又廢止先是百熙招致海內名流任大學堂各職吳汝綸為總教習赴日本參觀學校適留日學生迭起風潮詠謠繁興滿漢黨爭日甚二十九年正月命榮慶會同百熙管理大學堂事宜二人學術思想不同用行政意見尤多歧異時鄂督張之洞入覲之洞負海內重望於川晉粵鄂曾創設書院及學堂著勸學篇傳誦一時尤抱整飭學務之素志聞五月榮慶約同百熙奏請添派之洞會商學務詔飭之洞會同管學大臣釐定一切學堂章程期推行無弊十一月百熙榮慶之洞會奏重訂學堂章程言各省初辦學堂難得深通教育理法之人學生率取諸原業科舉之上未經小學陶鑄而來言論行為不免軼於範圍之外此次奉諭會商釐定詳細推求倍加審慎博考外國各項學堂課程門目參酌變通擇其宜者用之其於中國不相宜者缺之科目名稱不可解者改之過涉繁重者減之無論何等學堂均以忠孝為本以中國經史之學為基俾學生心術壹歸於純正而後以西學瀹其智識練其藝能務期他日成材各適實用擬成初等小學高等小學中學高等學各章程大學附通儒醫院

章程原章有蒙學名目所列實即外國初等小學之事外國蒙養院一名幼稚園參酌其意訂為蒙養院章程及家庭教育法此原章所有而增補其缺略者也辦理學堂首重師範原訂師範館章程係僅就京城情形試辦尚屬簡略另擬初級優級師範學堂章程並任用教員章程京城師範館改照優級師範辦理此外什學館屬暫設不在各學堂統系之內原章應暫仍舊譯學館即方言學堂進士館係奉特旨令新進士概入學堂肄業課程與各學堂不同併酌定章程課目又國民生計莫要於農工商實業與辦實業學堂有百益而無一弊另擬初等中等高等農工商實業學堂章程附實業補習普通學堂藝徒學堂實業教員講習所各章程此原章未及而別加編訂者也又中國禮教政俗與各國不同少年初學胸無定識唯難浮慕在所不免規範不容不肅稽察不容不嚴特訂立規條申明禁令為學堂管理通則並將設學宗旨立法要義總括發明為學務綱要果能按照現定章程認真舉辦民智可開國力可富人才可成不致別生流弊至學生畢業考試升級入學考試及獎勵錄用之法亦經詳

清史稿 通志八

定專章伏候裁定又奏奉旨興辦學堂兩年有餘至今各省未能多設者經費難籌也經費所以不能指集者科舉未停天下士林謂朝廷之意並未專重學堂也科舉不變通裁減人情不免觀望紳富執言籌措經費斷不能籌學堂斷不能多入學堂者特有科舉一塗為退步不肯專心嚮學且不肯恪守學規況科舉文字多剽竊學堂功課務實修科舉止惡一日之短長學堂必盡累年之研究科舉但取詞章學堂並重行檢彼此相衡難易迥別人情莫不避難就易當此時勢險危除興學外更無養才濟時之術或慮停罷科舉士人競談西學而中學無人肯講現擬章程於中學尤為注重凡中國向有之經學史學文學理學無不包舉靡遺科所講習者學堂無不優為學堂所兼通者科舉皆所未備是取材於科舉不如取材於學堂彰彰明矣或又慮學堂雖重積分法分數定自教員保無以愛憎而意為增損不知功課優細當堂考驗教員即欲違衆徇私而公論可憑萬難掩飾臣等尚恐偶有此弊故於中學考試歸學政主持將同道府辦理高等學畢業請而放主考會同督撫學政考試大學畢業請